



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), čl. 65. i 66. Zakona o pravima, obavezama i odgovornostima pacijenata („Službene novine Federacije BiH“, broj 40/10), člana 14. Zakona o zdravstvenoj zaštiti („Službene novine Federacije BiH“, br. 41/10 i 75/13), člana 19. stav (4), a u vezi sa članom 31. stav (1) i (3) Statuta Općine Novo Sarajevo („Službene novine Kantona Sarajevo“, br. 5/20 - prečišćeni tekst i 20/20-ispravka) i člana 47. Poslovnika Općinskog vijeća Novo Sarajevo („Službene novine Kantona Sarajevo“, br. 24/19 – novi prečišćeni tekst i 20/20), Općinsko vijeće Novo Sarajevo na 4. redovnoj sjednici, održanoj dana 29.04.2021. godine, donijelo je

ODLUKU

o osnivanju Zdravstvenog savjeta na području Općine Novo Sarajevo

I-OPĆE ODREDBE

Član 1. (Predmet)

U cilju ostvarivanja i unapređenja prava pacijenata, kao i društvene brige za zdravlje na području Općine Novo Sarajevo ovom Odlukom osniva se Zdravstveni savjet, te se uređuje njegov djelokrug rada, nadležnost, broj članova, mandat, način izbora, sastav, način rada, kao i naknada za rad.

Član 2. (Gramatički izrazi)

Riječi i pojmovi koji imaju rodno značenje, bez obzira jesu li u odredbama ove Odluke korišteni u muškom ili ženskom rodu, odnose se na jednak način na muški i ženski rod.

II- ZDRAVSTVENI SAVJET

Član 3. (Djelokrug rada)

- (1) Zdravstveni savjet obavlja sljedeće poslove:
- predlaže i evaluira sprovođenje zdravstvene zaštite na području jedinice lokalne samouprave;
 - daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području;
 - prati primjenu propisa na području jedinice lokalne samouprave koji se odnose na zaštitu prava i interesa pacijenata, uposlenih i zdravstvenih radnika;
 - organizuje obrazovne kurseve za građanstvo iz poznavanja materije o pravima pacijenata i postojeće legislative;
 - daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
 - prati povrede pojedinačnih prava pacijenata na području jedinice lokalne samouprave;

- g) predlaže preduzimanje mjera za zaštitu i unapređenje prava pacijenata i zdravstvenih radnika na području jedinice lokalne samouprave;
- h) bez odgađanja obavještava zdravstveni savjet u kantonalnom ministarstvu o slučajevima težih povreda prava pacijenata koji mogu ugroziti život ili zdravlje pacijenata i zdravstvenih radnika;
- i) podnosi Općinskom vijeću i kantonalnom ministarstvu godišnji izvještaj o svom radu;
- j) obavještava javnost o povredama prava pacijenata i zdravstvenih radnika;
- k) obavlja i druge poslove predviđene Zakonom o pravima, obavezama i odgovornostima pacijenata („Službene novine Federacije BiH“, broj 40/10).

Član 4. **(Ovlaštenja)**

- (1) U obavljanju poslova iz svog djelokruga rada, zdravstveni savjet je ovlašten upozoravati, predlagati i davati preporuke.
- (2) Odnos Zdravstvenog savjeta sa nadležnim organima državne uprave, organima samouprave, nadležnim ministarstvima zdravstva, zavodima zdravstvenog osiguranja, zdravstvenim ustanovama, privatnim praksama, komorama iz oblasti zdravstva zasnivaju se na ovlaštenjima utvrđenim u članu 69. Zakona o pravima, obavezama i odgovornostima pacijenata.

Član 5. **(Broj, izbor i mandat članova Zdravstvenog savjeta)**

- (1) Zdravstveni savjet ima ukupno 9 članova, uključujući predsjednika.
- (2) Izbor članova Zdravstvenog savjeta vrši se nakon objavljivanja javnog poziva, koji raspisuje i provodi Općinski načelnik.
- (3) Prije raspisivanja Javnog poziva, Općinski načelnik donosi Pravilnik o standardima i kriterijima za odabir članova Zdravstvenog savjeta, u roku od 30 dana od dana donošenja ove Odluke.
- (4) Općinski načelnik dužan je raspisati Javni poziv u roku od 60 dana, od dana donošenja ove Odluke.
- (5) Općinski načelnik imenuje predsjednika i članove Zdravstvenog savjeta, uz saglasnost Općinskog vijeća.
- (6) U procesu izbora članova Zdravstvenog savjeta brinuti će se o ravnopravnoj zastupljenosti oba spola.
- (7) Članovi Zdravstvenog savjeta imenuju se na period od 4 (četiri) godine sa mogućnošću reizbora.
- (8) Predsjedniku i članovima Zdravstvenog savjeta može prestati mandat prije njegovog isteka na lični zahtjev, ukoliko neopravdano ne prisustvuju sjednicama, ukoliko odjave prebivalište sa područja općine Novo Sarajevo, na obrazloženi prijedlog predsjednika ili iz drugih razloga. Imenovanje novog predsjednika/člana/članova izvršit će Općinski načelnik raspisivanjem javnog poziva.

Član 6. **(Sastav Zdravstvenog savjeta)**

- (1) Članovi Zdravstvenog savjeta mogu biti imenovani iz reda:
 - a) predstavnika pacijenata,
 - b) mladih,
 - c) predstavnika općinskog organa uprave,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

102050000098065 Union Banka d.d. Sarajevo; 1413065320060897 Bosna Bank International d.d.



- d) komora iz oblasti zdravstva,
e) stručnih udruženja za zaštitu prava pacijenata, prevenciju i zaštitu zdravlja,
f) sindikata zdravstvenih ustanova,
g) Crvenog krsta/križa sa područja općine,
h) zdravstvenih radnika iz zdravstvenih ustanova i privatnih praksi sa područja općine,
i) Službe socijalne zaštite Novo Sarajevo.

(2) Članovi Zdravstvenog savjeta iz alineja a. i b. stava 1. ovog člana, apliciraju na javni poziv samostalno, kao građani, i moraju imati prebivalište na području Općine Novo Sarajevo.

Član 7. (Način rada)

(1) Predsjednik Zdravstvenog savjeta saziva konstituirajuću sjednicu, pokreće inicijativu za razmatranje pojedinih pitanja iz djelokruga rada, saziva sjednice uz saglasnost Predsjedavajućeg Općinskog vijeća, te predlaže dnevni red sjednice. Predsjedavajući Općinskog vijeća i Općinski načelnik imaju pravo inicirati održavanje sjednice Zdravstvenog savjeta, uz obrazloženje.

(2) Zdravstveni savjet donosi Poslovnik o radu savjeta kojim se pobliže određuju organizacija i način rada.

(3) Administrativno-tehničke poslove za potrebe Zdravstvenog savjeta obavljat će Služba za poslove Općinskog vijeća i lokalnu samoupravu.

(4) Zdravstveni savjet predlaže Općinskom vijeću Plan i program rada za kalendarsku godinu.

(5) O svom radu i aktivnostima Zdravstveni savjet podnosi Izvještaj shodno odredbi člana 3.stav 1. alineja i. ove Odluke.

Član 8. (Naknada za rad)

Članovima Zdravstvenog savjeta pripada naknada za rad koja će biti utvrđena rješenjem Općinskog načelnika.

Član 9. (Čuvanje službene tajne)

Članovi Zdravstvenog savjeta u svome radu obavezni su postupati tako da ne ugroze obavezu čuvanja službene tajne, o čemu daju izjavu.

III – PRELAZNE I ZAVRŠNE ODREDBE

Član 10. (Stupanje na snagu)

Odluka stupa na snagu osmog dana od dana objavljivanja u službenim novinama Kantona Sarajevo“.

Broj: 02OV-33-3207/21
Sarajevo, 29.04.2021. godine

**PREDSJEDAJUĆI
OPĆINSKOG VIJEĆA NOVO SARAJEVO**

Pleše Robert

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Poradni broj: 0170333000

Depozitni račun (račun za prikupljanje javnih prihoda): 411965320071388 Bosna Bank International d.d.;

Transakcijski računi (za isplatu svih obaveza): 16100001928002 Raiffeisen bank d.d. Sarajevo.

